



12228

江湖後集卷三

周端臣

端臣字彥良建業人御前應制有葵窻橐

西京少年行

西京少年兒生長豪貴族光浮兩臉紅春畱雙鬢綠常
騎大宛馬多佩于闐玉明珠博美姬黃金酬麗曲朝從
咸陽遊暮向長陵宿朱門人候歸夜夜然紅燭

母忽

母忽咫尺水中恐有伏龍母忽尋丈山中恐有毒蟲是

江湖後集卷三

讀畫齋正本

以古君子不敢欺盲聾審密言語閒戒謹閨室中幾微
怠所防敵國起奴童事固不可忽理亦不可窮周室八
百年成於垂釣翁

僕以紹熙壬子中夏二十有五始躋風篁探
龍井遂至廣福謁三賢像閱舊碑追觀一代風
流爲賦此詩適月林依公畱設茗供因書以遺

之他日能爲我揭詩板于壁閒使示來者亦山

中之一助也

原注龍井寺有辨才師
趙清獻蘇文忠塑像

奇石爛橫道茲山信多姿江湖醜兩股一泓乃孤危相



傳龍所家或恐神護持腥風轉霍霽陰崖立淋漓惜無
緯蕭勇探此抱寶癡山僧作屋意慘澹生幽思胡爲金
繆影顛倒眩俗兒坐來百念失蒼官導前馳招提果深
登履痕恍前期咄哉少肉山著此高顛師端能致遨遊
絕唱相娛嬉過溪亦何事相送了不疑渠能縛禪律因
來數鬚眉我愛秦郎記字壓頭陀碑月林只夜夜人物
自一時賢愚盡蟻封來者吾得知

二月芳草碧寄吳中故人

二月芳草碧江南新燕來撫茲良歲時佳人安在故佳

江湖後集卷三

二讀畫齋正本

人棄我去杳在天之涯天涯望不極叢愁結中懷翠觴
不成歡玉琴有餘哀西湖春事深林花爲誰開折花無
所贈三嗅空徘徊樓前東流水湛湛生綠苔去波日干
里還繞姑蘇臺憑水寄我思旦暮腸九回

聽無悔琴

悟琴如悟道神閒若無營在心不在指以意非以聲鏘
爾風篴韻冷然天籟鳴曲終各一笑相對無虧成

物蠢

太虛運元氣萬物皆憑倚物或有所違氣亦隨而否肉

蠹則生蟲木蠹則生蟻嗟哉政亦然於焉起姦宄蠹人不可爲氣靡物自毀但得元氣存不患蠹不死

奉謝芸居清供之招

生平愧彼蒼得飽非耘種自揆覆寸長居然叨薄俸揭來桂玉地幸了藜藿奉日昨訪芸居見我如伯仲劇談闢幽荒妙論洗沈痛呼童張樽罍芳醪啟春甕乃約屏羶葷初筵俱清供珠櫻映翠茨光色交浮動佳境喜漸入愷之未癡春屬厭薦春萌雋永咀秋葑黃獨忽登俎味借蜂蜜重翻憐少陵翁山雪入吟諷早韭晚菘輩吾家所售用列品不自珍而與朋友共瑯盤放手空適口頗恣縱日暮雨催返虛窻結清夢寄語五侯鯖從茲勿勞送

江湖後集卷二

三讀書齋正本

孟冬多風霜

孟冬多風霜草木俱披靡老柳葉纔脫拂拂新萌起凍梅如枯榛班班亦含蘖寒暑運四時成此歲功美孰知四時閒獨有春不死

白虎行

女脩元鳥開羸始附庸于周自非子由襄寢強三十世

末命昭莊愈崛起殺降濺血長平坑返戈盡篡天王城
黷兵不戢恃疆大物忌太盛終當傾邯鄲賈人識奇貨
發謀不悛千金破窈窕尊前歌舞人腹中已孕秦家禍
怙勢陵威奮餘烈怨氣愁聲九州裂虎暴狼貪天使然
六國未滅嬴先滅天道何會長助強豈知用柔能勝剛
君不見後來項羽戰無敵卻使山河歸漢王

送翁賓陽之荆湖

君不見司馬子長志橫秋少年足跡不宥休胷中盤屈
奇偉氣筆力直與造化侔又不見杜陵子美夸壯遊一

江湖後集卷三

四 讀畫齋正本

身幾走半九州吟懷吐納天地秀作爲篇章光斗牛君
今去去幾千里匣劍囊書赴知己知己從來素有情投
機之會趨功名功名豈有作能致莫辭跋涉長江行長
江四月南風起武昌魚飲秦淮水南風不久又西風食
魚休忘鱸魚美天涯別夢思城東何日一樽重與同草
橋夜醉月明下桃關晴吟春色中不堪蜀魄相催去卻
憐檣燕相畱住一片離情去住閒正是遊人腸斷處荆
湖古道分南北勢與中原豈懸隔五湖膏血互吞噬萬
里煙塵入謀畫莫如子長子美但能事文章蚤歸來獻

平戎策

遊下竺枕流亭

枕流亭下路兩歲不曾來今日偶重到夕陽猶未回池
乾無水放地暖有花開後約如能繼多應爲探梅

眞州梅

欹倒幾株梅黏枝半是苔相傳前代種曾歷太平來山
冷雪猶在春深花始開亂離無酒買嚼蘂當銜杯

書冷泉亭壁

一酌野泉香翛然俗慮忘靜聽山鳥語如笑世人忙近

江湖後集卷三

五讀畫齋正本

水苔常溼無風樹亦涼老僧閒似我清坐到斜陽

聞滁陽失守憶表兄

猶憶歸淮旬何期陷敵塵祇聞殘破慘未得死生眞夢
不諳長路書難附使人吞聲無限淚一滴一傷神

裴墳

買船穿僻徑墳古最幽深山近風常冷松蟠晝亦陰來
時無速騎歸路有鳴禽寄語城居者何人肯訪尋

虛室

虛室似僧房蒲團倚竹牀半窻紅日影一陣紫蘭香誦

孰聞居賦書成急就章數朝門不出過卻幾春光

湖天

湖天初過雨晴意有無閒春水半侵路曉雲多礙山酒
煩春店暖詩就野亭刪風靜無啼鳥垂楊樹樹閒

登駝巘嶺

登頓來忘倦閒常到亦難西風搖短鬢落日倚危欄山
迴江湖小秋高天地寬故園何處是空遣客眸酸

富景園

地比諸園小池從前代開猶餘喬木在曾見上皇來幽

江湖後集卷三

六 讀書齋正本

徑埋黃葉空庭老綠苔荒寒吟思怯落日獨徘徊

初冬卽事

初冬天氣暖小似立春時萬樹無多葉千花試一枝天
紅霜有信星暈雨先期怕見梅花發愁懷未辦詩

讀黨籍碑

黨籍碑成國步屯忠臣埋沒瘴鄉塵興衰未必皆關數
治亂由來實在人雷昔震陵天已怒石今漫滅世尤珍
九原難叫諸賢起一掬傷心淚染巾

重陽後一日偕翁賓陽張敬之江樓分韻得臺

字

一笑江樓把酒杯闌干倚徧重徘徊風生別浦潮回去
雲暗前山雨過來秋冷丹楓先葉墜節遲黃菊未花開
憑高引領還興感昨日誰登戲馬臺

青銅香鴨

誰把工夫巧鑄成銅青依約綠毛輕自歸騷客文房後
無復王孫金彈驚沙嘴莫追蘆葦暖灰心聊吐蕙蘭清
回頭卻笑江湖伴多少遭烹爲不鳴

送牛首爐與人

江湖後集卷三

七

讀畫齋正本

千載播間偶得存傳從鼻祖到雲孫土痕蝕處形摹薄
苔色侵來款識昏製樣想應規象鼎驗圖只合配犧尊
贈君博古齋中去書傳閒時細討論

代上劉郎中

彈壓江湖聳市朝相逢人盡說風騷詩從南嶽吟逾老
名得西山薦益高半世歷官纔幕府午年還國尚郎曹
兒時曾誦先生句鏡裏如今已二毛

古劍

籀文漫滅薜花殘膽怯旁人不敢看飛去暗防風雨夜

握來光射斗牛寒，曾成歎血諸侯約。肯受無魚下客彈。
寶匣祕藏英氣在，提攜終擬斬樓蘭。

送人失官歸

浮世功名總是虛，縱然軒冕又何如。趁無白髮來侵鏡，
好買青山去荷鋤。賢聖一邱無用土，英雄幾板可疑書。
生涯儻了寒暄計，獨抱遺經亦有餘。

次韻友人悼寵落梅

條脫空嗟萼綠華，俗塵難久駐仙車。數聲畫角單于塞，
一曲山香阿母家。墮砌尚疑妝後粉，點衣猶認唾時花。
別來埋沒春風面，幾度虛窻歎月斜。

江湖後集卷三

八
讀書齋正本

春日卽事

起來袖手怯寒添，冷落文楸掩玉奩。燕子池塘春雨細，
杏花庭院曉風尖。酒醒未解便欹枕，香炷初熏密下簾。
百五數來能幾日，黃金柳色已侵簷。

遊秀府擇勝園

擇勝前朝錫雅名，不多花木四時榮。樓當列岫仍臨水，
地比諸園最傍城。池暖錦鱗冬亦泳，硯寒丹鶴曉先鳴。
宗王信是神仙侶，創得蓬壺小樣成。

咏鶴分得仙字韻

覓來雛鶴養經年認得呼名傍客前
放去幾隨雲過海歸來一片雪翻天
翎梳脩竹林間日影照寒梅
磧下泉眷戀軒墀應有謂主人風骨是神仙

落葉

變變霜紅不自持半隨流水半霑泥
歸巢便覺棲禽冷覓穴空教返蟻迷
風徑學花飛上下夜窻疑雨灑東西
滿堦不聽家僮掃擬把新詩逐片題

次韻張敬之桂花

江湖後集卷三

九讀書齋正本

年年綠桂著花時黃雪團枝自一奇
林靜秋風生處早山高涼月上來遲
亭邊露溼欄猶倚書伴香清枕屢欹
惆悵淮南無夢到楚騷歌罷當吟詩

次韻勿齋蠟梅

不與南枝鬪粉光品題應合讓蘇黃
融成蜂蠟千葩秀散作龍涎幾陣香
立悟瞿曇眞面目坐忘姑射舊梳妝
好風吹墮檀心句白雪空驚寡和章

碧桃

武陵夢覺豔妝空回首芳姿迥不同
萼綠仙畱蒼玉佩

蕊珠人在碧霞宮素腮褪粉啼春雨翠袖籠寒怯曉風
惆悵湧金池上路闌干倚遍夕陽中

靈隱山前卽事

猿不聞呼僧已歸翠煙依舊鎖崔嵬水今流向人寰去
山昔飛從佛國來古徑夜寒風落木蒼崖陰潤雨生苔
客纓自喜無塵濯歌罷滄浪飲一杯

春日閒居

自笑春來縱酒狂信緣無定恣尋芳盃中似蟻浮來綠
瓮裏如鵝脫下黃花底枕琴迷洞府溪邊濯足憶滄浪
一從禁閣辭榮後不復乘雲入帝鄉

劉寺墳園

萬竹蒼寒擁寺門寺碑金字御書存榮華肯信當年夢
儀制空畱後世恩影閣有燈塵網暗殯宮無月土花昏
見梅不敢輕攀折恐是春風水際魂

栖霞嶺

九折崎嶇入杳冥蒼崖中斷見雲生著身高處不知險
回首省時方始驚半嶺雷奔空石墮滿山花發曉霞明
世間豈是無平地何事吾儂愛此行

遊籍田

國典斯爲重親耕示不輕詔涓正月吉躬率百僚行奉
禮儀脩獻司農器具呈儲胥嚴武備鹵簿肅文明北闕
班春早東郊賀雨晴青壇晨氣潤紫陌曉寒清元武移
天仗鈞陳出帝城停雲依別殿翔鳥避行營十二蒼龍
駕三千白虎兵園花迎翠輦田柳拂霓旌少皞陳圭瓚
先農薦特牲紺轅縈黛耜蒼佩映朱紘俯講三推禮祇
勤萬秉情艱難均士庶次第及公卿海寓瞻秋稔山川
慶禮成豈惟知稼穡况乃奉粢盛祈歲穡幽雅因時昉

江湖後集卷三

十一 讀書齋正本

舜耕顧嚴天下勸非侈國人榮芸史觀先烈桑樞歎晚
生何當戴熙事夷夏頌隆平

古斷腸曲三十首

鬢雲鬆滑鞞鸞釵清減羞臨玉鏡臺蛺蝶也知人寂寞
一雙飛過杏牆來

催花一霎雨依微芳徑泥香草色萋可是一春天氣冷
牡丹開了未鸞啼

被擁嬌寒曉夢春起來無事翠眉顰金瓶拈得雙青杏
掐破中心見箇人

竹葉裙紗摺摺香荷風占斷晚西涼年來歡事愁邊減
別後秋更夢外長

條風窻戶柳陰陰雲碧春衫熨水沈花裏小欄人不到
流鶯啼起去年心

夢破巫山生色屏錦囊情薄歇餘馨關河春晚無消息
腸斷樓前楊柳青

無計消除夜漏長羅衾熏徹舊時香十分又是淒愁處
雨歇芭蕉小院涼

香凝薇帳春風院酒沈榴裙夜月樓閒把花枝思往事

江湖後集卷二

十一 讀書齋正本

舊懽都變作新愁

一篩涼雨歇亭臯菡萏無香可得消玉簫怯秋眠未穩

阿誰樓上夜吹簫

團扇多情手尚攜金風庭砌拒霜開斷腸一夜西樓雁
不帶書來帶恨來

破除難盡是恩情卻怕恩生怨亦生思念不休心惑亂

夢驚人語似郎聲

一股金花擘斷釵兩行玉筋界香頰近來自覺冰肌瘦

柳綠春衫放窄裁

井梧和雨下銀牀
梁燕隨風別畫堂
二十五聲秋漏永
夢回各自耐思量

錦屏殘睡思忡忡
心緒無聊酒易中
柳院蘚廳慵不到
斑鳩啼煖落花風

風色翻成料峭晴
閒期女伴踏青行
怪來昨夜燈花好
卻是今朝鬪草贏

花庭梨雪疊香痕
燕子歸來亦斷魂
懊惱一場春不管
月明空自立黃昏

裊裊羅巾淚粉光
綠琴哀怨調淒涼
芳容自覺隨風老

江湖後集卷三

三 讀畫齋正本

落盡桃花暗斷腸

窻下親裁白苧衣
日長花影上階遲
不堪杜宇啼春苦
又是去年腸斷時

金風幾日老庭莎
輕下窻櫺換碧紗
天氣已涼人尚遠
晚妝羞戴麗秋花

玉纖無力怯梳頭
鏡裏容顏見自羞
一陣落紅簾外雨
十分春是十分愁

舊家院落舊秋風
只有當時人不同
惆悵一窻無用月
爲誰涼夜曬梧桐

脩竹生煙晚逗陰翠羅香袖怯寒侵恨同社燕身爲客
怕剝秋蓮苦在心

壓髻慵簪雙鳳釵傷心羞覩合懽鞦折花暗卜郎音信
旋繫羅裙走下階

雙蛾顰翠恨天涯睡起蜂黃沁臉霞燕子日長深院靜
東風無力到楊花

春嬌殘醉睡初回索酒扶頭強起來金斗壓灰熏篤耨
玉瓶釀水養徘徊

蜂蝶飛飛春事忙煖風池館百花香蓮花折得青梅子

江湖後集卷三

十四 讀書齋正本

怕觸心酸不敢嘗

棟花篩雪糝蒼苔人未歸來燕已來滿眼春驚連日老
兩眉愁是幾時開

依舊斜陽燕子樓共誰把酒話閒愁韋娘去後西風老
爛熳黃花滿院秋

彈罷瑤箏歇雁行月移花影上回廊離情不奈秋蕭索
更著寒蠶管夜長

小雨班班溼畫欄一番重做杏花寒青衫拈起還慵著
卻憶天涯客袂單

湖山園

丹樓碧閣面山開
綠樹紅芳遶水栽
多少好春閒過卻
主人無暇不曾來

落葉

西風不管鵲巢寒
塞成陣飄來響更乾
最是山房秋思客
夢回疑作雨聲看

清明湖上

誰家園裏一聲鶯
啼向春風似有情
驚起少年遊冶興
插花沽酒醉清明

江湖後集卷三

圭讀畫齋正本

古墳

短牆摧倒樹欹斜
碧薜春開滿地花
馬鬣就荒無認處
墓前碑在野人家

題眞妃出浴圖

百媚千嬌出浴時
君王凝盼轉魂迷
香肌猶恐紅綃重
可忍他年踐馬蹄

秋曉

一抹涼煙曉未收
露籬疎雨溼牽牛
不知天上秋多少
昨夜西風到小樓

湖上歸

別卻吳姬舊酒壚
扁舟吹笛過平湖
晚雲又是商量雨
遮得秋山一半無

簡雪窻董寺丞

世路機心走兔
迆雪窻一縷不遮
藏箭雲梯月眞遊
戲茅舍何曾外玉堂

聖賢事業在心
槃禹稷顏回豈異
觀世故波瀾同起
滅姓名千古要清寒

鄰園晚步

江湖後集卷三

去 讀畫齋正本

忽然楊柳幾絲
風零落桃花數片
紅滿面好春吟不
得一團蝴蝶過牆東

寒食湖隄

紫陌笙歌簇禁煙
幾年無此好晴天
畫橋日晚遊人醉
花插滿頭扶上船

春月送人

一湖春綠染初成
柳色東風二月晴
燕子來時人卻別
梨花雖好負清明

元夕

小院春寒月到遲
閉門閒課上元詩
南來父老消磨盡
耳畔無人說舊時

謝人惠天花

花從天上落人閒
北客來稀路阻艱
勝味忽驚黎覓腹
春風腸斷五臺山

內人燒香圖

花底燒香深閉門
宮鴉棲了已黃昏
君王未識無人妬
雖不承恩卻感恩

買木犀花

拚卻杖頭沽酒物
湖邊博得木犀花
西風可是無拘束
一路吹香直到家

題葉靖逸東菴

一菴自隱古城邊
不是山林不市廛
落月半窗霜滿屋
臥聽宰相去朝天

二月五日西郊口占

晴日西郊按物華
東風寒峭帽簷斜
江梅已辦調羹事
交割春光與杏花

秋晚孤山

山夾寒雲晚不收
蘋花洲渚雁聲秋
西湖處士無消息
落日丹楓處處愁

夜歸

側側梅寒戀客衣
市樓燈比舊年稀
酒徒歌伴凋零盡
獨自吟詩月下歸

朱門

朱門茅屋爲鄰北
阮那憐南阮貧
卻是梅花無世態
隔牆分送一枝春

早冬湖上

江湖後集卷三

六
讀畫齋正本

晴湖水落葑田乾
白鳥飛來立晚寒
楊柳不知秋已遠
尚搖疎翠拂欄干

遣興寄徐抱獨

樓外垂楊啼曉鴉
樓中倦客醉思家
東風不管春將半
一夜清寒勒杏花

挽芸居二首

天地英靈在江湖
名姓香良田書滿屋
樂事酒盈觴
字畫堪追晉詩刊
欲徧唐音容今已矣
老我倍淒涼

詩思閒逾健
儀容老更清
遽聞身染患
不見子成名
易

簣終昏娶求棺達死生典刑無復覩空有淚如傾

觀潮行

吳山越山相對青中有袞袞長江橫長江誰道不曾改
年來一半沙填平潮生潮落何時了萬古人閒一昏曉
歲歲吳儂來看潮不知潮送吳儂老酒樓笙歌喧醉耳
客帆翻覆雲濤裏悠悠哀樂永相忘空江落日秋風起

廷博案此首從詩家鼎鬪錄補

木蘭花慢

送人之官九華

靄芳陰未解乍天氣過元宵訝客袖猶寒吟窻易曉春

江湖後集卷三

九 讀書齋正本

色無聊梅梢尚畱顧藉滯東風未宥雪輕飄知道詩翁
欲去遞香要送蘭橈清標會上叢霄千里阻九華遙
料今朝別後他時有夢應夢今朝河橋柳愁未醒贈行人
又恐越魂銷畱取歸來繫馬翠長千縷柔條

玉樓春

華堂簾幙飄香霧一搦楚腰輕束素翩躚舞態燕還驚
綽約妝容花盡妬尊前漫詠高唐賦巫峽雲深畱不住
重來花畔倚闌干愁滿闌干無倚處

博案以上詞二闕從絕妙好詞錄補

廷博案此卷凡誤入魏野詩十八首潘閏詩一首今俱刪去仍附存其目以資攷核

書逸人俞太中屋壁

贈岐賁推官

寄唐異山人

題崇勝院河亭

謝馮亞惠鶴

寄題石都尉林亭

冬日書事

贈三門漕運錢舍人

聞王衢王闢登第寄賀

江湖後集卷三

謝長安孫舍人寄惠蜀牋

晨興

和三門竇程寺丞見贈

懷寄河中表兄李徵君

同用晦上人遊漢陂

送諤師赴王寺丞召寫碑

和江南提刑王國博見寄

謝薛田推官見贈

謝劉大著寄惠玉牋

右十八首見魏野東觀集今刪

暮春漳川閒居書事

右一首見潘閔逍遙集今刪

江湖後集卷三

江湖後集卷三

三讀畫齋正本

江湖後集卷四

趙汝鏐

汝鏐字明翁袁州人太宗八世孫嘉泰二年進士
會官漕帥有野谷詩集劉克莊跋云明翁詩兼衆
體而又徧行吳越百粵之地眼力益高筆力益放
卷中歌行跌宕頓挫割蛟縛虎手也及斂爲五七
言則又妥帖麗密若唐人鍛鍊之作廷博案汝鏐
有野谷集六
卷諸詩具載集中茲存集外詩
五首仍次第元題以備攷核

征婦歎

江湖後集卷四

一讀畫齋正本

訪隱者不遇

姜子平鄭華父見訪畱飲月下

十一月四日雪中小飲是月十日冬至

雪中觀客夜博

晚晴與何尹登水亭簡張丞

憩農家

尋僧不遇

題下陽懷沈叔忱

清明日同傅元瞻閻才元周濟美曾原伯宇文



子友字文子英汪沖之王謙仲集櫻朱園分韻
得食字二十韻

宦情隨推移世事分限域帝城冠蓋會千里或咫尺賓
僚盡英賢了事卽餘日念我契闊情招邀見懷憶春事
日光輝湖山好顏色徐行失前騎可望不可卽倘徉大
堤上徒倚長橋側游龍眩生花意極反寥闕山房啟煙
扉僧話寄禪寂同來妙人物高論傾歷歷朋簪忽逢會
竝轡隨休適將軍萬金園花竹照燕席高情發清曠絕
巘疲危陟俯視天壤閒錦繡蒙山澤太平豈無象黔首
一後會儻相從前言未應食

寄遠曲

昭君曲

迎遷引

上馬曲

去婦詞

遠浦帆歸

蒙泉行

馬上口占

漁父四時曲

春

夏

秋

冬

古劍歌

廣寒遊

江湖後集卷四

楚觀歌

蝨

三珍行

荆門行

送奇仲過雪川

劉幹東園

拍欄

小山寺

披霧入野寺
寒林響朔風
更無僧出迓
山鳥若爲通
松

露染衣溼巖花照眼紅塵緣聊可息歸騎莫匆匆

廷博案此

首野谷集題云小水寺係五言古詩今作五律與集迥異因並存之

避暑

宿古寺

雷潭寺

舟中

題化成巖二首

日融

秋夜懷歸

江湖後集卷四

訪鄭隱君不遇

行盡樾林村柴門閉夕曛自來松下坐閒想壁閒文守
樹猿偷果窺山犬吠雲多應尋鶴去祇隔暮溪濱

晚興

登法雲寺

招賢渡溪閣晚望

同子巖初夏飲山閣

夏日普信寺江閣

江閣夜

醪飲劉園

清明小飲

春郊

臨川縣治古桂兩大株與葉潛仲鄔文伯飲花下

倚樓

到農家

舟泊

維舟

訪曇師

江湖後集卷四

贈慈上人

空師欲遊嶽往訪山寺

送宗上人歸閩

雪中尋僧

寄圓老聞欲移住他院

送聰上人歸四明

過寶雲寺訪密師

送仲兄之京口

題崇真觀東軒

題戴洪甫愛竹軒

同趙尉飲江亭

題合江亭

和林守玉茗花韻

茶罷

史鎮江句祠得請仍進職

午炊徐坊嶺

避暑溪上

雪後徐廣文招同官小集分韻得明字

江湖後集卷四

六讀畫齋正本

宿妙果寺贈洪上人

晚征

途中

宿江閣

旅次春眺

訪黃簿畱飲

醵飲

黃幹見約小飲就宿

郴州鹿鳴宴

次韻袁州鄭守鹿鳴宴

題村舍壁

早征

杜宇

訪別胡倅畱飲水閣

田家歎

浴櫂宿虎山山家

苔吟

山寺

江浦後集卷四

吟髭

漁舟

出郊

題莊舍壁

登樓

夏日山中

贈定上人

讀離騷

琅然醉讀離騷經一鶴聞之來中庭童子屢麾不肯去

直奏樽前側頂聽

溪上

一番雨過驟晴時
溪上春光色色奇
日暖花繁蝴蝶急
輸官尚欠二斤絲

倚欄

倚欄有恨無人說
暮角吹梅寒聲咽
急風捲雨過鴻驚
吐下蘆花一枝雪

江湖後集卷四

江湖後集卷四

八

讀畫齋正本

12228

